



Hol no Joomum Miijonortoo Hoore mum



Min njottii dow haayre wiyeteende Gunung Datuk caggal nde min yeenji ko juuti. Min njoodii miin e sehil am keso, Adzak, ngam yeebde gede gonde dee dow toon. Booyaani tan, yeewtere amen baartii e gede diineyan'kooje.

“Miin mi miijonto hoore am,” Adzak wi'i. “Mbeda jogii yiyannde hoore am ko fayti e gede aduna.”

“Eey goonga,” njaabiimi. “Mi nanii sagataabe Malesinaabe heewbe ina mbiya ko miijontoobe koye mum'en.”

Adzak hokkitii jaleede. “Heden poti miijanaade koye men. Ko wonaa duum jiibru ina heewi. Ina waawi haandinde ma nih.”

“Kono hol no dum wayata noon so a hooti galle?” naamnii mi mo. “Doo e leydi Malesi, sagataabe heewbe ina mbiya ko miijontoobe koye mum'en, kono so kooti galleeji mum'en, gooto fof ina daminaa e mum dooftaade aadaaji Lislām walla Budist en.” “E ko mbiyataa jiknaabe maada?”

“Mi wiyataa be hay huunde,” Adzak jaabii. “Mi wadat ko be njidi ko tan. Mbeda waawi miijanaade hoore am, kono mi haadnat dum e am tan.”

Mbela miijanaade hoore mum ko huunde faayodinnde?

Won nokkuuji e aduna he, jogaade miijooji di njaadaani e ko wobbe bee miijotoo ko ina waawi addande joomum cadeele e renndo he, riiweede e liggeewi mum, walla nih wareede. Miijanaade hoore mum won nde hulbintoo. Kono mbela ko huunde faayodinnde?

Aduna men o ina heewi miijooji moyyi e miijooji bondi. Gedel balloyel tigurigi haa joomum waawa seerndude ko moyyi e ko boni, ko durnude miijo e yeewtude e majjum. So a soodi gedel tiidngel coggu—hono kanje, uranteeri, walla noddigel—a yobataa tan nawaa dum galle. A yeewndoto ponndaa ngel e gede godde de wobbe peewndi haa njenanadaa e goonga cooddaa ko huunde moyyere. Miijooji ne ko hono noon poti yeewtireede.

Jiibru ina heewi e aduna he, tee burat bonde so yimbe etiima wiyde ko alaa e sago maa wobbe bee njaba miijooji mum'en jiibiidi. Padee mi siimtana on longinoore faayodinnde. E nder deftere booynde wiyeteende “Peepdi Yeesu Almasiihu,” longinoore wootere ina toon siimtoore holno lepol gootol etorino wadde alaa e sago miijooji mum'en jiibiidi e dow wobbe be. Nde wi'i, “Nde yanii! Babilon sahare mawnde nde yanii, sabu nde manndilini dowlaaji fof nguleeki fijirde mayre” (Peepdi 14:8).

Geno yidi naamnoden sabu goonga ina sembolini haa waawa dartaade naamne.

Dii konnguli cuudiiḍi mettaani faamde. Babilon ko sahare booynde wondunoonde e bayre, kono innde mayre firti ko «jiiḃru.» Ndee sahare «yanii» wonaa sabu honde jiiḃii kono ko sabu salaare mayre runtaade jiiḃru ndu. Nde hoomtii dowlajji ḍii fof haa ḍi njanti e fijirde mayre—ḍuum firti, jamfaade Geno e jillondirde goonga e fenaande nder dewal. Dii miiḃooji fenaande njabaa tee ngoonḍinaa. Lonnginoore fayde e «Babilon» haalata ko ko fayti e dental goonḍinngal juumre ina etoo naatnude yimbe fof e nder ndeen juumre alaa e sago.

Peepḍi Yeesu Almasiihu lonnginiino ḍum maa waḍ e tuma meeden. Ina waawi tawa aan a seedtiima ḍum ḍo. Mbela ina woodi yimbe wiyooḃe ko goonḍinḃe Geno tawa ina njogii miiḃooji ḍi ndewaani laawol? Mbela aan e hoore maa haḍa waḍa berḍe ḍiḍe heen sahaaji?

Eey, ko ḍuum waḍi miiḃanaade hoore mum ina waḍi nafoore no feewi.

Holno neddo Miijonortoo Hoore mum

Yimbe heewbe ina njonaa rewde laawol ngol be tawri jinnaabe mabbe ngol. Be ndurnataa miijo ko fayti e ko be ngoonjini ko. Be ndewat e finaa tawaa to banjal diine tawa ko dum bolle puuyde walla nih ko ko halkata be. Heen sahaaji, hay ardiibe bee to banjal diine, fotbe hollude en laawol fayde e Geno, ina ngoni e juumre mawnde wondude e puunti.

Hol no njiitirten goonga? Mbedaa wiya en yoo en ngoonjin annabaabe be. Ko taki? Sabaabu nde deedoo gedde tate:

1. Annabaabe bee ina kolla ganndal kaawningal e ko aroyta. Annabi Dajel lonnginiino wonde Erop maa ummoyo heewa semmbe haa laamoo dowlaaji aduna dii fof, di ngona e njiimaandi mum. Yeesu Almasiihu ne lonnginiino wonde Yerusalem maa yane firtee haa firto e hitaande 70 caggal jibineede Iisaa. Annabi Muusaa lonngini taarika Ismaila haa timmoode tuma nde.
2. Annabaabe bee kollirii ganndal keeringal ko fayti e cellal. Annabi Muusaa, duubi 3.500 hade jooni, famminiino hono neddo berirtee so wondii e jaw walla debbo jiifo

ella mum, hono tuundi reentirtee e hono kaake kuutorteede labbinirtee. O seerndi jawdi ndagiindi e jawdi ndi dagaaki. Tee o wi'i en woto en naam yiiyam walla bellere so heden jaama teew dagiido o. Hay hannde, dooftiibe bee jamirooje makko ko fayti e naamdu e yardu ina beydane duubi 15 e nguurndam mum'en haa bura heddiibe bee.

3. Geno ina jaaboo jaagule goonɗinbe fawbe hoolaare mum'en e makko, njabi annabaabe be o neli be.

Binndande annabaabe dee ina heewi ko kollata en—kono ngam fecceede heen, heden poti ekkaade miijaade tigurigi, yeewtoden ko ngoonɗinden ko, njuuynitoden jiiɓogol men e goonɗinal. Miijaade ko gedal paayodinngal e diine goonga e goonga.

Jooni noon, so en njuuynitiima haa en njiytii juumre, e ko potden wadde? E fuddoode ina waawi nanndude e goonga. Kono so en njokkii yuuynitaade, puɗɗoden yiide caɗeele e ngoon miijo.

Goonga e fenaande njaadataa. Goonga meedataa majjinde hay gooto so yuuynitaama ko moyyi. So en beydiima yuuynaade, en beydoto yiide goonga.

Goonɗinbe ina poti wonde yimbe burbe haqqolinde e aduna sabu Geno ina dowa dum'en e laawol haqqilantaagu. So a woni e nokku do kadetefaa miijanaade hoore maa walla naamnaade naamne, anndu dum ummoraaki to Geno. Omo yidi naamnoden sabu goonga ina semmbolini haa waawa dartaade naamne. Kono Babilon jarbitto on e nder fenaande tonjira on nder deen callalle salaare yiilaade ganndal.

Tawi hada jibii haa no feewi haa hada miiiji ko e nder Babilon ngondaa, yaltu! Ar e laawol Geno haqqilantaagu ngol. Mijono hoore maa tee naamno naamne lugge. A mimsataa.

Mbela hada yidi beydude ganndal ko fayti e Peepɗi Yeesu Almasiihu? Mbeda min jaagi maa yo a jokkondir e amen e ko winndaa ko caggal oodoo kaayit.

Janje Wonnde



Yettu natal jelde QR ngal ngam
beydude ganndal.

